

গণপ্রজাতন্ত্রী বাংলাদেশ সরকার
খাদ্য অধিদপ্তর
সরবরাহ, বন্টন ও বিপণন বিভাগ
১৬, আব্দুল গণি রোড, ঢাকা।
www.dgfood.gov.bd

খাদ্যবান্ধব কর্মসূচির ভোক্তাদের ডিজিটাল তালিকা প্রণয়নের নিমিত্ত ১৩/১০/২০২২ তারিখে অনুষ্ঠিত সভার কার্যবিবরণী

সভাপতিঃ আব্দুল্লাহ আল মামুন, অতিরিক্ত মহাপরিচালক, খাদ্য অধিদপ্তর, ঢাকা।
সভার স্থানঃ মহাপরিচালক মহোদয়ের সভাকক্ষ
সভায় অংশগ্রহণকারীবৃন্দঃ কারিগরি কমিটির সদস্যবৃন্দ
সভার তারিখঃ ১৩/১০/২০২২ খ্রিঃ।
সভার সময়ঃ দুপুর ২.০০ ঘটিকা।

আলোচনাঃ

সভাপতি উপস্থিত সকল সদস্যকে স্বাগত জানিয়ে সভার কাজ শুরু করেন। তিনি সভাকে জানান যে, সারাদেশে ইউনিয়ন ডিজিটাল সেন্টারের মাধ্যমে খাদ্যবান্ধব কর্মসূচির ভোক্তাদের ডিজিটাল ডাটাবেজ প্রণয়ন কার্যক্রম চলমান রয়েছে। তিনি আরো বলেন যে, খাদ্য মন্ত্রণালয়ের গত ১১/১০/২০২২ তারিখের ৩৯৫ নং স্মারকের পত্র অনুযায়ী, আগামী ১৭/১০/২০২২ তারিখ পর্যন্ত চলমান যাচাই কার্যক্রম অব্যাহত থাকবে। পরবর্তীতে ১৭/১০/২০২২ তারিখে যাচাই কার্যক্রম সমাপ্তির পর বাদ পড়া ভোক্তার স্থলে প্রাপ্যতা অনুযায়ী উপজেলা খাদ্যবান্ধব কমিটির অনুমোদনক্রমে নতুন ভোক্তা অন্তর্ভুক্ত করা যাবে যা ১৮/১০/২০২২ হতে ৩১/১০/২০২২ তারিখ পর্যন্ত চলমান থাকবে। নতুন ভোক্তা তালিকা চূড়ান্ত হবার পর সংশ্লিষ্ট উপজেলা খাদ্য নিয়ন্ত্রক তালিকাটি সিস্টেমে আপলোডের ব্যবস্থা করবেন এবং ইউডিসি উদ্যোক্তাদের মাধ্যমে যাচাই করে ডাটাবেজে অন্তর্ভুক্ত করার ব্যবস্থা গ্রহণ করবেন। নতুন ভোক্তাগণ যাচাই সাপেক্ষে নভেম্বর/২২ মাসের খাদ্যশস্য উত্তোলন করবেন। ফলে, নতুন ভোক্তাদের তালিকা সিস্টেমে আপলোড ও যাচাই সম্পন্ন হওয়ার জন্য সফটওয়্যার প্রস্তুতকারক প্রতিষ্ঠান বেক্সিমকো কম্পিউটারস লিঃ কে সফটওয়্যার প্রস্তুত রাখতে হবে তিনি জানান। এছাড়া, ১৭/১০/২০২২ তারিখে যাচাই সমাপ্তির পরবর্তী দিন বেক্সিমকো কম্পিউটারস লিঃ কে যাচাইয়ের পূর্ণাঙ্গ একটি প্রতিবেদন দাখিল করতে হবে। এ বিষয়ে, বেক্সিমকো কম্পিউটারস লিঃ এর ডেপুটি জেনারেল ম্যানেজার শরীফ মোহাম্মদ শাহীন জানান যে, বর্তমানে চলমান যাচাই আগামী ১৭/১০/২০২২ তারিখে সমাপ্তির পরবর্তী দুই দিন উপজেলা খাদ্য নিয়ন্ত্রক কর্তৃক যাচাইয়ের জন্য সময় প্রয়োজন। এছাড়াও, সফটওয়্যারের রক্ষণাবেক্ষণ ও নতুন সংযোজনের জন্য সময় প্রয়োজন। ফলে, তিনি যাচাইয়ের পূর্ণাঙ্গ প্রতিবেদন ২০/১০/২০২২ তারিখে দাখিল করার অনুরোধ জানান। এমতাবস্থায়, সভাপতি সভায় উপস্থিত কারিগরি কমিটির সকলকে মতামত প্রদানের আহ্বান জানান।

সভায় বিস্তারিত আলোচনা শেষে সর্বসম্মতভাবে নিম্নোক্ত সিদ্ধান্তসমূহ গৃহীত হয়ঃ-


- (ক) খাদ্য মন্ত্রণালয়ের গত ১১/১০/২০২২ তারিখের ৩৯৫ নং স্মারকের পত্র অনুযায়ী, গত এপ্রিল/২২ মাস হতে শুরু হওয়া খাদ্যবান্ধব কর্মসূচির ভোক্তাদের যাচাই কার্যক্রম আগামী ১৭/১০/২০২২ তারিখ রাত ১২ ঘটিকায় সমাপ্ত হবে। এ বিষয়ে বেক্সিমকো কম্পিউটারস লিঃ প্রয়োজনীয় ব্যবস্থা গ্রহণ করবে;
- (খ) ১৭/১০/২০২২ তারিখে যাচাই কার্যক্রম সমাপ্তির পরবর্তী ২ (দুই) দিন উপজেলা খাদ্য নিয়ন্ত্রক কর্তৃক যাচাইয়ের জন্য নির্ধারিত থাকবে;



- (গ) উপজেলা খাদ্য নিয়ন্ত্রকগণ কর্তৃক চূড়ান্ত যাচাই সমাপ্তির পর আগামী ২০/১০/২০২২ তারিখে সফটওয়্যার নির্মাতা প্রতিষ্ঠান বেক্সিমকো কম্পিউটারস লিঃ একটি পূর্ণাঙ্গ প্রতিবেদন দাখিল করবে। উক্ত প্রতিবেদনে মোট ভোক্তার মধ্যে যাচাই সম্পন্ন ভোক্তার সংখ্যা, বাদ পড়া ভোক্তার সংখ্যা, বাদ পড়া ভোক্তাদের বাদ পড়ার কারণসহ সংশ্লিষ্ট সকল তথ্য থাকবে। এছাড়া, জেলা, উপজেলা ও ইউনিয়নওয়ারী বাদ পড়া ভোক্তার সংখ্যা প্রতিবেদনে উল্লেখ করতে হবে;
- (ঘ) ভোক্তা যাচাই কার্যক্রম সমাপ্তির পর আঞ্চলিক খাদ্য নিয়ন্ত্রকগণ হতে নির্ধারিত ফরম্যাটে সংশ্লিষ্ট বিভাগের যাচাইয়ের তথ্য নিয়ে সেটি বেক্সিমকো কম্পিউটারস লিঃ হতে প্রাপ্ত তথ্যের সাথে যাচাই করতে হবে;
- (ঙ) খাদ্য মন্ত্রণালয়ের গত ১১/১০/২০২২ তারিখের ৩৯৫ নং স্মারকের পত্র অনুযায়ী, ১৭/১০/২০২২ তারিখে যাচাই কার্যক্রম সমাপ্তির পর বাদ পড়া ভোক্তার স্থলে প্রাপ্যতা অনুযায়ী উপজেলা খাদ্যবাহক কমিটির অনুমোদনক্রমে নতুন ভোক্তা অন্তর্ভুক্ত করা যাবে যা ১৮/১০/২০২২ হতে ৩১/১০/২০২২ তারিখ পর্যন্ত চলমান থাকবে। নতুন অন্তর্ভুক্ত ভোক্তারা যাচাই সম্পন্ন হওয়া সাপেক্ষে নভেম্বর/২২ মাসের খাদ্যশস্য উত্তোলন করতে পারবেন। নতুন অন্তর্ভুক্ত ভোক্তাদের অক্টোবর/২২ মাসে খাদ্যশস্য উত্তোলনের কোনো সুযোগ নেই;
- (চ) অক্টোবর/২২ মাসের সফটওয়্যার থেকে অটো জেনারেটেড মাস্টাররোলে নতুন অন্তর্ভুক্ত ভোক্তাদের রাখা যাবে না। অর্থাৎ, ১৭/১০/২০২২ তারিখের মধ্যে যাদের যাচাই সম্পন্ন হবে সেসকল ভোক্তার তথ্যই মাস্টাররোলে অন্তর্ভুক্ত থাকবে;
- (ছ) উপজেলা খাদ্য নিয়ন্ত্রকগণ কর্তৃক চূড়ান্ত যাচাই ও পরবর্তীতে নতুন ভোক্তা অন্তর্ভুক্তি ও যাচাইয়ের বিষয়ে উপজেলা খাদ্য নিয়ন্ত্রকগণের প্রশিক্ষণের ব্যবস্থা গ্রহণ করতে হবে;
- (জ) সফটওয়্যারে প্রদর্শিত আংশিক যাচাইকৃত ভোক্তা, বিভিন্ন কারণে উপজেলা খাদ্য নিয়ন্ত্রক কর্তৃক ইউডিসিতে পুনরায় ফেরত (ছবি থেকে ছবি তোলায় ফেরত, NID হতে প্রাপ্ত ছবির সাথে বর্তমানে ছবির ব্যক্তি ভিন্ন হওয়ায় ফেরত, ছবির গুণগত মান ঠিক না থাকায় ফেরত) পাঠানো ভোক্তা ১৭/১০/২০২২ এর মধ্যে যাচাই সম্পন্ন না করলে তাদের বিষয়ে সিদ্ধান্ত গ্রহণের জন্য উপজেলা খাদ্যবাহক কমিটির নিকট উপস্থাপন করতে হবে;
- (ঝ) ডিজিটাল ডাটাবেজের সফটওয়্যারে ৩০/০৪/২০২২ তারিখের তালিকা আপলোডের সিদ্ধান্ত থাকা সত্ত্বেও কোন কোন ইউনিয়নে উপজেলা খাদ্যবাহক কমিটির অনুমোদন ব্যতীত ভোক্তা সিস্টেমে আপলোড করা হয়ে থাকলে এসকল ভোক্তা চিহ্নিতকরত উপজেলা খাদ্যবাহক কমিটির নিকট সিদ্ধান্তের জন্য প্রেরণ করতে হবে;
- (ঞ) প্রতিটি ইউনিয়নে খাদ্য মন্ত্রণালয় কর্তৃক অনুমোদিত মোট ভোক্তার সংখ্যা সফটওয়্যারে নির্দিষ্ট থাকবে। নতুন ভোক্তা অন্তর্ভুক্তির ক্ষেত্রে কোনভাবেই ইউনিয়নের অনুমোদিত মোট প্রাপ্য ভোক্তার সংখ্যা অতিক্রম করা যাবে না;
- (ট) উপজেলা খাদ্যবাহক কমিটিতে নতুন তালিকা অনুমোদনের পর সংশ্লিষ্ট উপজেলা খাদ্য নিয়ন্ত্রক উপজেলা খাদ্যবাহক কমিটির সভার কার্যবিবরণী ও নতুন তালিকা জেলা খাদ্যবাহক কমিটির জ্ঞাতার্থে জেলা খাদ্য নিয়ন্ত্রকের নিকট প্রেরণ করতে হবে। জেলা খাদ্য নিয়ন্ত্রক জেলা খাদ্যবাহক কমিটিকে অবহিতপূর্বক উপজেলা খাদ্যবাহক কমিটির অনুমোদিত তালিকা সফটওয়্যারে আপলোডের অনুমতি প্রদান করবেন;
- (ঠ) নতুন ভোক্তার তালিকা সফটওয়্যারে আপলোডের সময় ভোক্তার জন্মতারিখ, ভোক্তার স্বামী/স্ত্রীর জাতীয় পরিচয়পত্র নাম্বার ও জন্মতারিখ এবং সংশ্লিষ্ট ডিলারের জাতীয় পরিচয়পত্র নাম্বার যুক্ত করতে হবে;

- (ড) কোন একটি ইউনিয়নে প্রাপ্যতা মোতাবেক প্রাপ্য নতুন ভোক্তার তালিকা সফটওয়্যারে একবারই আপলোড করা যাবে। ফলে সতর্কতার সাথে সফটওয়্যারে নতুন তালিকা আপলোড করতে হবে। আপলোড করার জন্য নতুন নমুনা ফাইল বেক্সিমকো কম্পিউটারস লিঃ কর্তৃপক্ষ থেকে WhatsApp এর TOT গ্রুপে আপলোড করতে হবে এবং সফটওয়্যার থেকেও ডাউনলোড করার ব্যবস্থা রাখতে হবে;
- (ঢ) রেজিস্ট্রেশন সম্পন্ন হওয়া ডিলারদের জাতীয় পরিচয়পত্রের মাধ্যমে যাচাই কার্যক্রম সম্পন্ন করতে হবে;
- (ণ) সফটওয়্যার থেকে বিভিন্ন ধরনের রিপোর্ট (নারীপ্রধান পরিবারের সংখ্যা, প্রতিবন্ধী সংখ্যা, বিধবা সংখ্যা ইত্যাদি) ডাউনলোডের অপশন তৈরি করতে হবে;
- (ত) আগামী মার্চ-এপ্রিল/২৩ প্রান্তিক হতে খাদ্যবান্ধব কর্মসূচির উত্তোলন ও বিক্রয় পরিমাণ সফটওয়্যারে প্রদর্শনের ব্যবস্থা গ্রহণ করতে হবে;
- (থ) Geographical Code অনুযায়ী খাদ্যবান্ধব কর্মসূচির নতুন কার্ড নাম্বার জেনারেট করতে হবে। তবে, পাশাপাশি পুরাতন কার্ড নাম্বারও সংরক্ষণ সিস্টেমে করতে হবে;
- (দ) ডিলার পর্যায়ে কোন মাসের উত্তোলিত চাল উক্ত মাসে ভোক্তাদের নিকট বিক্রয় সম্পন্ন না হলে তা পরবর্তী মাসের মজুতের সাথে সমন্বয় করতে হবে। তবে, ভোক্তা পর্যায়ে পূর্ববর্তী মাসের অনুত্তোলিত চাল পরবর্তী মাসে উত্তোলনের সুযোগ নেই।

সভায় আর কোন বক্তব্য না থাকায় সভার সমাপ্তি ঘোষণা করা হয়।


 ১৩/১০/২০২২
 আব্দুল্লাহ আল মামুন
 অতিরিক্ত মহাপরিচালক
 খাদ্য অধিদপ্তর।

অনুলিপি : সদয় অবগতি/অবগতির জন্য।

- ১) মহাপরিচালক, মহাপরিচালকের দপ্তর, খাদ্য অধিদপ্তর, ঢাকা।
- ২) পরিচালক (সকল), খাদ্য অধিদপ্তর, ঢাকা।
- ৩) প্রকল্প পরিচালক, আধুনিক খাদ্য সংরক্ষণাগার নির্মাণ প্রকল্প, খাদ্য অধিদপ্তর, ঢাকা।
- ৪) আঞ্চলিক খাদ্য নিয়ন্ত্রক (সকল)
- ৫) সিস্টেম এনালিস্ট, কম্পিউটার নেটওয়ার্ক ইউনিট, খাদ্য অধিদপ্তর, ঢাকা।
- ৬) জেলা খাদ্য নিয়ন্ত্রক (সকল)
- ৫) মহাপরিচালকের একান্ত সচিব, মহাপরিচালকের দপ্তর, খাদ্য অধিদপ্তর, ঢাকা।
- ৬) জনাব সাজ্জাদ ওয়াহিদ, সিস্টেম এডমিনিস্ট্রেটর, বুয়েট।
- ৭) জনাব মঞ্জুরুল করিম খান, প্রকল্প পরিচালক, বেক্সিমকো কম্পিউটারস লিমিটেড।
- ৮) জনাব নাসিফ জাকী, কনসালটেন্ট (প্রজেক্ট কো অর্ডিনেটর), পিডব্লিউসি।
- ৯) জনাব নেফাউল ইসলাম জেনারেল ম্যানেজার বেক্সিমকো কম্পিউটারস লিঃ
- ১০) জনাব শরীফ মোহাম্মদ শাহীন, ডেপুটি জেনারেল ম্যানেজার, বেক্সিমকো কম্পিউটারস লিঃ
- ১১) জনাব মাহমুদুর রহমান পলাশ, অ্যাসিস্টেন্ট জেনারেল ম্যানেজার, বেক্সিমকো কম্পিউটারস লিঃ